

ԿԱՔԱՎԻ ՈՂԲԸ

Ա.

Կըտուցը լիքը արին
Կաքավը նըստել քարին,
Ձեն է տալիս, կըղկըղում,
Գանգատ անում հավքերին.
5 Ա՛յ քուրիկներ,
Ա՛յ հավքեր:

Բուն շինեցի էս սարում,
Ձագ հանեցի աննըման.
Իջավ՝ խաղա մարգերում,
10 Եկան կալան ու տարան,
Ա՛յ քուրիկներ,
Ա՛յ հավքեր:

էն կարկաչուն վըզիկը
Սուր դանակով զարկեցին.
15 էն կարմըրիկ կըտուցը
Հուր կըրակին ձեգեցին,
Ա՛յ քուրիկներ,
Ա՛յ հավքեր:

էն մանրաքայլ տոտերը
20 Կըտրատեցին ծունկն ի վար,
էն խատուտիկ փետուրը
Ո՛րն արին ձոր, ո՛րը՝ սար,
Ա՛յ քուրիկներ,
Ա՛յ հավքեր:

- 25 Էն, որ սարերն էր հասել,
 Քամին եկավ գում արավ,
 Էն, որ ձորերն էր անցել,
 Հեղեղն ելավ ու տարավ,
 Այ քուրիկներ,
 30 Այ հավքեր:

Բ

- Էլ ոնց անեմ, էլ ինչ անեմ էն բընում.
 Հանգիստ չունեմ, դադար չունեմ էն բընում:
 Զօրը մենակ՝ չեմ դիմանում էն բընում,
 Գիշերն անտակ՝ չի լուսանում էն բընում,
 35 Անցած օրերն եկել նորից էն բընում,
 Գել են դառել, ուտում են ինձ էն բընում.
 Էլ չի մընում իմ սըրտիկը էն բընում,
 Ցավով լիքը, լացով լիքը էն բընում:

Գ

- Սև կաքավիկ, ո՛ւր պիտի դու նըստես հիմա:
 40 - Չորուկ բարդի ծառի վրա:
 - Սև կաքավիկ, թե որ նըրա տերը գա՝ ո՛ւր:
 - Լացող ուռու ճյուղքին տըխուր:
 - Սև կաքավիկ, էն տեղից էլ քշեն որ քե՞զ:
 - Կըրակ կըլնեմ, կէրեմ ինձ ես...

Դ

- 45 Կայ՛ կաքավիկ,
 Սև կաքավիկ,
 Զալիկ-մալիկ
 Սիրուն հավիկ:

Վայ՛ քո ճուտին,
50 էն խորոտին,
Վայ՛ սըգավոր
Իր մոր սըրտին:

էլ շես կարդում
Հանդ ու արտում,
55 Մեր սարերից
Կորար տըրտում:

Վայ՛ կաքավիկ,
Սև կաքավիկ,
Վայ՛ իմ կորած
60 Սիրուն հավիկ: